

INUIT ATAQATIGIIT

INATSISARTUNI



13. august 2014

UKA 2014/113

Inatsisartut suleriaasianni § 36 naapertorlugu apeqquteqaat tunngavigalugu oqallinnissamik imaattumik siunnersuuteqarpunga:

Inatsisartuni partiit tamalaat akornanni ukiuni tulliuuttuni inuussutissarsiornermi periusissat pillugit isumaqatigiissusiortoqarsinnaanera pillugu apeqquteqaat tunngavigalugu oqallinnissamut siunnersuut.

(Inatsisartunut ilaasortaq Kuupik Vandersee Kleist, Inuit Ataqatigiit)

Tunngavilersuut:

Aningaasarsiornikkut killiffipput toqqissisimananngilaq. Ineriartornermut uuttuutaasinnaasut pingaarutillit tamarmik ajorseriarnernik takutitsipput, aarleqqutigineqarsinnaavorlu nunap aningaasarsiornera ataatsimut isigalugu aammalu suliffissaaleqineq eqqarsaatigalugu suli ajorseriartoqarsinnaasoq, Inatsisartut ataatsimoorussamik siunissaq ungasinnerusoq isigalugu attanneqarsinnaasumik inuussutissarsiornikkut ineriartortitsinissamik isumaqatigiissuteqarsinnaanngippata.

Qularutissaagunanngilaq inuussutissarsiornikkut ineriartorneq pillugu, pingaartumillu aatsitassarsiornermut tunngasutigut ukiuni kingullerni naalakkersuinikkut aporaannerujussuit, atugassarititaasut pillugit nalornisitsilersimassasoq, ilaatigut akileraarusersuineq, royalty il.il. pillugit. Tamatuma saniatigut nunarsuaq tamakkerlugu aningaasarsiornikkut ajornartorsiornerup kinguneranik nunani tamalaani aningaasaliisartut tunuarsimaarput.

Inatsisartuni tamanit peqataaffigineqartumik isumaqatigiissusiortnermi inuussutissarsiutit pingaaruteqarnerit, soorlu aalisarnej, sanaartorneq, aatsitassarsiornej, nunalerineq takornariartitsinerlu ilanngunneqartariaqarput.

Isumaqatigiissuteqarnerup inuussutissarsiornikkullu pitsaanerusussamut ineriartorneq aqqutissiuutissavaa, tamatumalu kinguneranik inuussutissarsiutinut tamanut aningaasalersuereq qaffassassallugu. Pisuussutinik uumasunik uumaatsunillu iluaquteqarnermi nutaaliornej ineriartortitsinerlu immikkut isiginiarneqassapput.

Oqallinnermi ilaatigut makku aallaaviunissaat kissaatiginarpoq:

- Atugassarititaasut patajaatsut qanoq ittut siunissami atuutsinneqassappat?
- Pisuussutit uumassusillit uumaatsullu qanoq akileraarusersorneqassappat/akitsuusersorneqassappat?
- Suliffeqarfiit pisortanit pigineqartut sorliit namminersortunit ingerlanneqalissappat imaluunniit ingerlanneqartariaqarpat?
- Attaveqatigiinnermut tunngasunik aningaasaliiffigineqartariaqartut suussappat?
- Inuussutissarsiutinut nutaanut aningaasaleerusussuseq qanoq illuta qaffassarsinnaavarput?

Oqallinnerup qanoq ingerlanera apeqqutaatillugu Inatsisartut ataatsimoorussamik oqaaseqaateqarsinnaapput, Naalakkersuisunut kaammattuillutik isumasioqatigiisitsinermik aqqis-susseqqullugit, inuussutissarsiortut, aningaasaateqarfiit, aalajangiisartut il.il. sinniisuinik peqataaffigineqartumik, ataatsimoorumik siunnerfiit suusanersut qanorlu iliuusissat ittuusanersut pillugit oqaasertaliisinnaaqqullugit..